

孫徵君日譜錄存

孫徵君日譜錄存卷之十三

順治十七年庚子七十七歲

正月

初四日

卷之十三  
孫徵君日譜錄存  
校訂

九世孫世珽  
世金校訂

諸友暨子若孫咸在予謂之曰我輩要與世立志以  
過須如愚夫刲股不忍痛則不能自禁忍痛則  
親好賭敗家喪行後悔之猶不能自禁忍痛則  
謝諸惡少不與見近有一族子因酒為婦所辱  
攻之遂戒酒改過我輩悠忽將就須不設難不畏  
攻能如此等愚夫纔見立志莫作口頭說取也

初五日

問人生何事最樂曰無違心之事則樂矣時時不違  
心事事不違心自然充實光輝有根心生色之樂  
違心則疚疚則惡惡則辱惡得樂

初六日

客有苦多事者予曰天下本無事庸人擾之耳君等  
所謂最不可已之事皆其不必然之事也金針謂  
神物力盡用之於不必然安得有氣力慰其所嘗  
然者乎省事要自省心始人不能代已治裁也

初七日

與蔣經歷 敝門人王漢眉俠氣男子也流寓蘇  
門時爲依不佞而來家甫三載而所遭不幸人亡  
家破外侮內難齊至妻子懦弱囊空如洗兩妾少  
年貧不能守其嫡擇良家嫁之有一僕知書善算  
其姻親崔竹涓作令儀封亦敝門人也託不佞借  
去此嫁資與僕二事皆人所共聞共見不憚云極  
不拂人情不謂其弟婦王氏少年無知悞入族惡  
之教唆而以興販人口訟之於縣亦冤矣哉氏原  
以草豆之故貽累於其姪某某以貧窘不能代彼  
輪納氏起毒心遂以興販人口爲辭且氏夫過歲

失父其兄撫養爲之娶妻而氏乃以此相報猥矣  
某既係令甥婿便是休戚相關之人幸以面悉之  
當事者聽斷之際當自得其真情耳前詢張親翁  
原字附覽

寄王悔菴 前歲聞有楚泉之擢日夕望旌旄過衛  
源久之方知請告也急流中勇退自見年兒學力  
非徒口頭講說出處退退孔孟原有格律可止則  
正者誰其人哉僕新年七十七矣華賸久成廢人  
然於學之一事微覺親切邏輯有數種非敢云著  
述也聊以娛老懷耳無問本不及就三叶中之步

學之人與年兄隔遠又無緣面質於予少之歸也  
附此當一晤

初八日

王君佐張天章徒行過夏峯貧士具儀殊非格例示  
此 苦生蔣徑幾多時漫訝羊裘過訪遲貧士人  
情格律在奚囊明月好相隨

初九日

報鄒隱鄭二公子 憶接尊港先生手字在甲戌武  
城官署中託辛卯相晤亦曾及此不謂緣淺竟未  
獲一謁先生與仁兄踈遠又復十年矣良會之難

天若不肯輕假人也前在雍邸黃植史詩思見其  
人御之遣使相迎亦不界來二言氣歸其述雅注  
藝曠廢人何足當諸君子眷懷至此因友人某從  
往補試草草不及多致

初十日

天章居大父喪以無夫復嚴飲食之戒而安貧好學  
可稱扶俗之士

君佐答友問五則識議似正議論以偏舉而歸於理  
文字以逆取而得其勢知此機者可與論文可與  
論學

十二日

高負皇招飲梅下 我讀昔賢詩梅花如高人凡卉  
莫能敵松竹堪結隣松僅稍後凋其氣已處重有  
雖不改色憔悴失其純獨此飽冰雪寒沍更嶙峋  
蕭疎挺世外幽香怕我神當其枯槁時不以空谷  
漚花神有巢許意獨歲寒親我來整冠佩對君儼  
嘉賓感物已如斯而况得其真主人亦冷峭樂與  
數夕晨老我少僕思醉臥敢辭頻

十三日

勉呂左臣下帷因憶其叔祖昆峯有蘇門之約寄問



流光容易過惜寸至人心勉矣承家學超然絕  
世伎性因習乃遠道聞古成今而祖曾相約蘇山  
待早尋

十四日

送秦伯晦明府歸越序

入歲寒二集

十五日

耐齋 耐齋連歲渡元宵醉客主人與更豪數日漣  
留偕長幼也教心事不蕭條

十九日

復馬玉笋

元宵後三日蒲使持翰祝光華五雲而

下邳墳讀之神已飛渡止齋與先生握了話數年  
情況也先生當此時養親課子一意退息此是大  
福德人而多識前言往行以蓄其德千聖萬賢之  
事已畢此外復何事哉貴鄉文清先生而後接踵  
有人先生與諸君子一時鼎起爲海內樹幟第以  
腐儒十年託契雖遠矣敢自外焉月川先生澠源  
令張天弓新搜其遺集而刻之第僭爲之序尤西  
川亦有刻性所未有遺文止存其與孟雲甫呂豫  
石同講學姓名而已懷我何不之澠池而之陝州  
乎中州稱理學者十二人畢竟以月川爲首十二

人第各存其傳澠池令欲授梓因呂新吾先生未  
詳遂遲遲耳亦欲就一便令小兒攜往就正又未  
知在何日也嘉言錄如成望寄示一册

復景乾貞馬振公宜公 僕自七十後於學問一事  
漸覺親切然氣衰力疲業難自鼓且此中就正無  
人二二三少年具英敏之資乏沉潛之意於此道尙  
未見有真實頭緒三君相聞雖遠相別雖久果肯  
相信猛志用功眼前具足豈待他求

二十日

李國華舉孫 流俗移人甚獨君不受侵低徊一夕

話託出百年心德厚家方慶神融允自深抱孫知  
古誼湯餅到於今

三十一日

復劉公勇 歲底劉司空郎之子肩手字至適王李  
諸公見顧誦道翁甫入官安得遂決意請告耶僕  
謂劉公大勇其言自出真誠况舊文茂三三公之  
言具在不得請或有之如云非真實請則非也昨  
聞貴堂翁已具題王李諸君復謂僕曰劉公真大  
勇哉大家驚服望其蚤來蘇興之山光水色已欣  
欣相待公愚使君邇來體中何如前所付一編于

萬莫令疎失也。構斯赴箕生之約，特囑之過訪。此中景况，渠悉之不多及。兩令兄一令姪，一日風塵，千秋際會，愧不能作賀煩爲聲意。

一十二日

或謂俗子相訪，似不必加禮。余曰：此便是自己入俗論。人於此時，孰爲雅士？經世之業，僕覺世之聖賢須是耐俗，方能移俗。一有厭薄俗人之意，此心已先放縱，得不在失禮於人而先失禮於己？孟子曰：禮之於賓主也，未聞其賓皆雅士也。

鄰翁屢投予詩報此。吾生八十，近君尚亦相隨。

客貧能篤談詩老不移  
隔籬同夜白繞蔀蒹朝炊  
晚節宜敦勉淇澳是我師

二十三日

寄范箕生 僕八十在望親翁亦近七十矣回憶生平無歲不數過江村也過紅村無不入城中也兩家皆四世締交於祖孫父子間竊幸得所師得所友不大至顛越今故交零亂與親翁相隔又遠每與構斯稱述往昔不禁淒斷今於其北上也臨路附數行聊當一晤此中光景渠悉之無庸多及親翁牛耳詞壇蓋三十年矣所著所選亦欲借構斯

領其大畧勿謂門外漢不足與言也

寄刁非有 前因趙二生過訪曾付一字想入記矣  
矣學問一事邇來不敢以聲價廢業但印證無人  
所聞所見未免浮游將就乏真實自得之趣大河  
以南遙聞聲而相思既未得之目覩河之北八字  
著腳真實用功者舍年兄其誰望焉構斯北歸赴  
箕生之約過元亭爲我輩通問遠邇別久之情況非  
泛泛也

寄杜君異 學問一事邇來頗覺親切無所事事爲  
四書近指一編大約皆四十年得之江村之講說

還以佐說約之未備耳惜無人印證甲申大難錄  
初編二編讖輔申州人物考兩編創業中興兩六  
案錄四冊答問六編日譜二十冊巖寒居二集十  
二卷取節錄續集四冊蘇門遺事二冊堽麓編一  
冊諸種俱有頃諸俱未得清楚初意欲得親丈商  
訂且欲借大手作序無副本難以攜去又非三句  
二句可以卒業遂爾因循徒切悵望

二十四日

寄倪獻汝 弟寓蘇門十年矣去八旬無多日即不  
敢廢學而精力幾何仁臺爲此道主盟恨相隔遠



遠不得時相請正而輝簿令族孫又以拙罷官益  
乏便鴻泰伯晦明府亦解任總之作官於此日無  
論小大不至有奇禍便云幸矣匆匆不備聞若水  
山居杜門謝客靜中得力益切企仰二爲近况不  
知相聞否

二十六日

宿州王生永康持所著論仁二章來謁居三日質疑  
問難因下拜焉執弟子禮字有年

二十八日

寄諸同人 我輩自童時誦習孔孟孰非學中之人

然真實能信孔孟爲可學而一一體認不當身果  
孰是學中之人也用力力足欲仁仁至孔聖人豈  
欺人語哉僕耄而痴邇來於此言頗信得及但恐  
諸友有信不及者恨不得時相告語共闡此義

二月

初一日

王有年里歸詩以送之 喜爾輕千里泰州有後身  
力孤承絕學志猛出迷津操行原於孝歸根總是  
仁還思鼓舞氣吾道賴伊人

初二日

有友問人生學問須是於其結局處看通分曉如睡  
菴云須是下苦工夫可知不曾到下手地位陽明  
謂此心光明亦復何言何等乾涸老曾子召門第  
子告孟敬子合易簡等語看來渾身內外全無遺  
憾嗚呼人生天地能全始要終乃是天人合天然  
畢竟人還在天地之中至夫子太簡其願草木其  
壞便是天崩地陷了有何分別天地也聖人也一  
而已矣夫子以爲何如曰此論亦見微悟其襲取  
前人口頭語也至謂睡菴須是下苦工夫較陽明  
此心光明似有安勉余謂睡菴此言是自勉勉人

之語平生學問原從積苦中來到得此際俱是  
本出然不下苦工安得此心光明陽明是就本體  
說將雖是就工夫說正不必以此分優劣也曾孔  
之論皆是前人未發余甚快於斯言學問能了達  
此件便是開道別無難事矣

初四日

嘉善魏忠節孫允將允枚書來叙其祖父往日之事  
復道長歌悲憤纏綿追憶其庶常君殉義時情況  
殊令人不堪回首此事海內既有人知之庶見明  
代遺聞亦曾及此清議漸明悠悠之口想當滿腔

矣總之庶常不死心終難自運幾日而死者苦精  
難以告人祇可以告無罪於先王

初五日

氣勝則一人不服心虛則無人不  
服無人不服是取  
諸人以爲善所謂以善養人者也養字中有多少  
涵茹蒸陶之意硬去服人者器量便躁而遠人如  
何肯服

初六日

予既不與作志之事友人有問及者予曰最宜節重  
者人物與藝文只不敢一偏沒有龍之人不錄一

篇收題目之文其於志也思過半矣

初七日

徵生質宋王格物之說予曰先儒之言各具至理只就我輩本心信得是如何便如何下手做工夫全不在口頭上講說古人之不同者多矣皆古聖人忠殷有三仁焉正於大不同處會出大同稱量於字句之間浚伏羲之畫轉濂溪之圖不反身心但求毫楮所謂賢其糟粕迷惑之甚者耳乾坤易圖時物行生此段消息固無刻不在目前也認得出著衣吃飯行立坐臥活潑潑地認不出疑患怪措

何時是舒眉展眼之日此事不借力於他人不妨  
待於異日當下自憤憤時即是樂時臨路索書付  
此以俟再晤

初八日

清直一則人中州考劉資鄉鄆陵人字以成由舉人

冠仕肅甯令時魏閣徵方張族屬親黨假借聲勢  
責鄉一以法治之閣令請撫按建坊資鄉以名義  
至重交結有律已自守拙奈何以婦寵導人乎又  
觸忤傅應星楊六奇輩崔呈秀疏奏矯旨斥職爲  
民逆聞伏辜臺省論薦特旨授湖廣監利縣知縣

賈卿高祖司寇璟廷就逆瑾諸姦伏法惟允曾祖  
司寇勣武宗市幸時以宿國司李拜燕湖縣事甲  
賈素饒不與執鑒詔獄嘉靖初赦復原官尋授  
史貢卿之守身持正淵源蓋有自矣 三世俱  
惡璫所謂以捭折爲長養

初九日

方正一則人中州考鄭二陽鄱陵人號潛菴萬曆已  
未進士歷官至巡撫歷仕湖廣德安府推官事無  
冤滯遠近獄訟多願就理乙丑春行取入京璫賢  
之私人潤疏稿族以劾左都楊璉居家不法事便



可立登津要二陽爲楊公居家清謹實無過某何  
能作違心語遂改授南工部主事其備兵淮楊也  
有靖揚功興望繫焉鹽漕軍門大璫揚額名聲勢  
赫奕欲府道皆以屬禮見二陽以兵道不與鹽筴  
且勅書無提衡監司語屹不爲動丁丑舉天下廉  
卓第一其開府皖江也提五千孤旅戰於六安戰  
於商城固始戰於黃梅等處皆以捷奏獨所見與  
輔臣楊嗣昌左故其說多阻而不行二陽研心史  
學雖簿書軍旅之餘不廢其業晚年有史取一畫  
又次選歷代詩音備其大觀摘選古今名文畧四

天下大文章肯歸田以後事當官各有著述平生  
篤於宗親欲做行范文正公義田事晚好竺典  
予於甲戌知公爲端人也迄來蘇門人益稱之欲  
走脂公而公往矣

初十日

春分家祭二十七年逐世塵何堪一事告吾親兒  
童扶掖修家祭跪拜相看四輩人

十一日

東公舅 構斯北上曾寄一字想已入覽求退者道  
翁之本心而不肯聽其退者廟堂豈無意乎西曹

自于鱗元美振起世稱多賢今之嗣響益復有

**老**前輩與敝鄉忠愍先生交好僕因得託聲味

道翁今日之比肩共事者他日攜手百泉續姓許

當年化民成俗之事便從茲始矣茂三舊於楊翁

老**人**歐陽子與梅聖俞一段因緣汪公業自

許僕尙欲鼓暮氣從諸公作勝遊也

十二日

從古英人志士當可有爲之時用以據一朝之意氣

發千古之悲涼切莫當面錯過一瞬失之終身莫

贖悔何及矣人之言曰遲在日中浴日於扶桑莫

運在民食捧日於虞淵難三復斯言不能不爲有志而隕問者三嘆息也

十三日

友問民生憔悴至今日而極窮甯安卑或難驟望而一方一隅之補救苟且偷安何道而可予曰子能勉之凋敝立起固不待期月三年也日今之弊上未嘗無德意而官吏格不行子果辦一副至誠心先清其自私自利之念力陳於當事者爲小民請命同儕誰肯自外當事者莫不畏難而顧惜之郡邑有良吏閭里有名卿小民猶幸甚志安得有意

外之慮乎

十四日

友人曰甚矣人心之競爭無已也予曰保我之不  
爭而已矣貧不與富爭賤不與貴爭少不與衆爭  
爭矣不得不俛首而處其下何必爭也私不與公  
爭非不與是爭則不與直爭人不與天爭聞不爭  
不得不昂首而居其上何庸爭也

十五日

是日弔楊天放天放江陵人派出天潢改姓楊氏初  
識於蓼航坐中予曰此大雅君子也因論交焉當

作落花詩有悲憤不平之感贈予有夏峯歌多知  
已之言未幾而病病而死醫家曰此鬱症也予固  
憶天放之必鬱此時有怨言不能挽救衝風往哭  
之徐作輓詩焚其靈次天放名國沛

十六日

同薦聲輩步至莊南菴賞海棠長幼咸集客曰賞花  
宜初放時宜晴霽時更宜同人佐以名酒花神方  
暢予曰取快於境境不我值便成缺陷只合令我  
心與人無忤於物無競出而茂對無往非樂境也  
乾坤易簡時物有生得此意者方可言賞花

十七日

賞海棠之次日應舉尙未有詩長幼催之 短筇斜  
日過前村白髮生徒獨爾存花下醉餘欣覓句好  
留高韻照蘇門

十八日

天下下罪己之詔匹夫出悔過之言昔有出關各遷  
喬木之意但恐以罪己者而借爲矜己以悔過者  
而轉成文過耳此真僞間之辨也

十九日

許傳巖過訪夏峯贈詩二章報此 逃離荒徑草生

平不謂高軒肯惠然投贈新詩多蘊藉風流仍是  
十年前

示詮孫一則 去僞存眞只此四字徹頭徹尾便是  
聖學初葆之而爲有恒也功力漸加存養日密則  
爲善人爲君子純之不已遂至聖人先儒謂聖人  
可學而能謂此一點眞心人人皆有故學者當立  
必爲聖人之志此志不立全是僞字作累無爲有  
虛爲盈約爲泰正是其作僞處也作僞心勞口拙  
究竟只落得一箇長戚戚耳最之小乎試自點省

二十日



是日合諸紳爲劉自榆公祭自榆起家延津令多實  
政士民德之予與自榆交八年乃起家始終不惟  
無求人知並已亦不自知不謂近今之世而猶見  
此古之愚也

二十一日

曉江陵揚天放三絕 十年漂泊一孤舟楚水湘雲  
未盡頭怪得姓名終欲道屢原心事向誰籌 問  
來展讀夏峯歌讀未終時淚已乾高韻豈隨流水  
去嘗疑顏色月明過 無家人已謝兒從落葉先  
悲楚客蹤清夢幾歸歸未得孤魂嘗傍孝陵松

病時有落葉  
詩十二首

二十二日

作李慎菴詩序 入歲興二集

二十三日

鶴聲 險巖無端錮耳深天教鶴喚引清音兒童偷  
暇來調弄尙帶風雲萬里心

二十四日

題克齋 克齋者取克己私之義己私多端不可  
究詰總之睚於己而拂乎人極不肯習而安之莫  
知克也賢智假焉不欲克不肯自認爲不克護痛

畏攻而已私之橫據更甚顏子大賢夫子首以此  
告之見已之未易克而克之未易盡也一分已去  
一分禮還即已盡去矣仍覺其未盡也即今日見  
爲盡矣不能保明日之果盡也湯文周孔漸忘焉  
而無克之名顏曾思孟力行焉而體克之實彼才  
情氣魄用事者便不肯於此處著手然本心自在  
本心未特偶一對勘拂靡之情自不能昧當下自  
憤便可與聖哲同歸所謂及其成功一也己之分  
數而人之陷溺甚與不甚係焉克之分數而人之  
大賢與小賢係焉持此以論人無餘蘊矣

二十五日

是日清明家祭後早初掃墓

二十六日

跋胡信山家藏先正手蹟後 明代二百八十年忠

直之臣未可彈述如散山先生者一二人外指未  
敢多屈也先生歿未百年而手蹟鮮存予第武城  
學社諸忠尺牘一卷求先生片言隻字不可得茲  
來蘇門於冀司寇邸見先生梅軒詩卷莊書疑信  
半之今見信山攜來草稿其爲先生手蹟無疑也  
生先生之里寤寐煢煢日切於懷七十年來始得

兩寓目其手蹟亦幸矣石齋諸公字見之令人生  
敬伯順別二十餘年矣見其人於字裏行間其扎  
寄余姻友盡明血爲之增今昔之感也信山以題  
額見屬予周拙於書且留以待大賢然非有身分  
人未可輕點一字也

二十七日

裴生視予夏峯其師杜君異鳴

云已有字附

聞美不虞其尙未至也語次是經悞枉事得白唯  
詢其顛末云事結於津門裴生與史生見明介其  
師貽書於其所知事始得解口占二絕贈之 朝

亦有客過兼山千里征塵意更閒  
語次同人寬解多君俠氣滿燕關  
更難師友俱同心排難今看義槩  
深柱汲西江口救涸果然別自有  
知音

甘雨託人向江西原任處求解卜  
者云此無用虞濟事還另有人

李瑞含顧予夏峯自笑當年俠氣飛  
蹉跎心事老書幃每從河朔尋豪友  
肝膽知君有所歸

二十八日

贈公勇入官兩月賦歸來刪盡塵心  
結聖胎訪我蘇門思共隱當年姚許  
又重回

題夏峯無山無木亦雲林盡道標  
源此地尋刊去

浮華留靜氣閒看調鶴洗機心

二十九日

王兄西嶺予夏峯因及與余故人牛仰泉舊好不勝  
今昔之感因簡殘帙題仰泉燕人本色詩貽之倘  
他日遇其子披葛於路應笑僕有媿古人耳

問此生如何方樂曰無疚惡之事則樂矣孔子曰三  
樂以無節禮樂爲主孟子曰三樂以俯仰無愧怍  
爲主皆所謂不疚無惡而自慊者也待境而樂者  
境非順則意索境過順則情絀意索者特自徇之  
真情殺者入損我之路是在尋樂者自審之

問日用多事爲苦曰甚不可有苦事之心也一事苦  
事之心則子臣弟友之間其不盡分也多矣但不  
可分外生事生事則事多不生事則事少古今不  
可少之人皆本分自盡之人而非分外多事之人  
也亦在應事者自審之

三十日

問求志達道從何處看得合一曰就孔子視堯舜何  
嘗減得些子就堯舜視孔子何嘗增得些子只是  
當日不甚著明觀百世之後安有分別虧盈子認  
得出



問姚江以盡心章知天節歸生安事天節歸學利此  
無可疑立命節屬困勉卻信不及曰子莫輕視了  
困勉不到立命處如何算知之一成功一厥壽不  
貳修身以俟正困勉著實下手作工夫處

三月

初一日

跋李九我先生家訓後 從古介節之士未有不先  
於飲食立坊盡飲食於人似小而飢渴害心最大  
此危微之介理欲之關孔孟學術其得力處全在  
此九我先生清直廉介天下仰之予童而聞之今

忽讀其家訓真入立言質素無文而一生之苦節  
高風亮節言下見之眞所謂不以飢渴之害爲心  
害者乎予少值家乏老而長饑三十年來與親友  
相會之約頗有先生遺意然在先生之時地位望  
則爲從儉在我輩之衰腐寒陋猶覺其過奢也先  
生刻意獨行不令人笑不怕人怪其自得深矣  
九我家訓云余平生不吃齋每盂鹽菜送粥晨不  
輩午不酒酒但沽而不釀留客不請客客至以常  
飮待之余久行此客無怪焉余亦不怕怪予謹守  
而勿失但曰無改於父之道可也僕終身爲而且

病家口甚多非有遠客決無自川酒肉之事自老  
妻喪後兒子輩供養勉效茅容殺雞餉母之意僕  
不欲獨用也客至同餐時客有餘而餐不足未免  
以粗糲繼之僕亦安焉客終不我咎也行之已六  
十年矣在九我爲裁口腹之欲在不佞爲竭飲食  
之情事似同而情各異跋中未盡之言復贅於此  
我子孫亦曰守而勿失無改於父之道可也

初二日

問中庸人莫不飲食也鮮能知味也孟子曰飲食之  
人無有失也不知如何是知味如何是不失曰孔

之蔬食飲水樂在其中顏之一簞一瓢不改其樂  
孔明之澹泊明志范希文之淡飯黃齋皆所謂知  
味而無失者也此二字極平常而涵精仁熟之事  
不能外古今人熬熬不過不知考何可多少英雄  
我輩於史冊上參詳過去人於日用中窺視目前  
人乃知知味無失者原少

初三日

間古昔孔墨並稱孟荀並稱爲其人品同賢而並之  
乎爲其學術異嚮而並之乎曰孔墨自不同道然  
墨之說足以亂孔孟荀自不同道然荀之說足以

亂孟此正邪正之介而公私之辨也世道晦塞人心喪亂非大有道力人烏能判斷此孟子闢楊墨功不在禹下千載後孔孟並稱豈偶然哉先儒謂孟子與孔子能離合而與之相究及門一於孔子願學孔子者其與離合者也得此意者方可位置千載人庶不向形迹字句間比擬耳

李慎菴水部留別詩三章卽步原韻  
十年去國鄉風異千里浮家生事存已分  
春鋤娛牧豔尚嫌紙筆悞兒孫  
看山喜共雲歸樹避竹猶傳客到  
門轍跡似深潭舊侶高林浪說夏  
峯村  
姚許遺踪尚

可轉聽泉枕石足知音藻蘋異代傾來晚矣語各  
天別去深夜而有聲滴好夢秋風無賴動離心知  
君儻有沂雩樂花下柴車每出林 君生天音實  
張楚我老無家怯望燕一代才名留水部三年友  
譜和村烟論詩欲入浣花室紫米猶思種秫田此  
去長安知不遠舉頭直北暮雲邊

初四日

得張鶴鳴弟鶴鵬子大同死事一則入甲申大難錄

得孝子劉渭一則入取節錄續集

得劉昭明義方一則入取節錄續集

得王道增清直一則入取節錄集

初五日

與衛生論風俗 風俗之厚薄人心爲之也人亦孰  
肯樂居於薄持清議者無人相習爲固然而不自  
覺是豈入之情也哉有人以倡之心有同然即流  
漓之俗可歸仁厚况平俗本仁厚素稱君子之鄉  
乎子其勉之勿以善小而不爲夫善安得大小  
也

初六日

問達者等彭殤於一致此語殊信不及曰氣是信得

及方可與入德可與聞道果能信者屢與代謝死  
生存亡之咸省都多少煩惱夫子假年學易是求  
聞道非求長生也長生而不聞道祇爲世之戮民  
耳此中功課誠自理會口頭裏取不得

初七日

世無治亂總一學術違者以天下爲事兩間罪過都  
是我身承當天下萬物無罪窮者以一身爲事一  
身罪過都是我心承當五官百體無罪能於罪過  
勘得分明者窮達皆有賴焉者也獨悠悠忽忽到  
處視爲無罪過之人破先聖先王格律以自適其



猖狂恣睢之意吾不知之矣

初八日

世人未有不愛富貴者有人焉愛身甚於愛富貴則  
賢矣蓋身自墮地後富貴原屬增加之物是豈可  
以同日論愛乎人未有不好名者有人焉尤好不  
好名之名則益賢矣蓋名所以標此身之爲仁人  
爲義士故曰君子去仁惡乎成名又曰疾沒世而  
名不稱焉至好不好名之名則闕然與天爲遊所  
謂不愠而無悶者乎富貴利達之念旣已不染出  
孝節義之章亦復不著此之謂至人

朋友之難也。得朋友之難也。孔子曰：吾死之後，商也日益，賜也日損。曾子曰：何謂也？子曰：商也好與賢已者處，賜也悅與不若已者處。是友之賢不賢而  
我之損益，攸係。故君子慎其所與處者，則學之不可滿也。

初九日

夫子以君子稱于賤曰魯無君子者，斯去斯謂其能友勝已也。于賤亦自謂此地有賢於不齊者，不齊父事之，三人兄事之，五人所友者，十有二人，其一人師之，而稟度焉。夫賢百福之宗，神明之主也。

昔堯舜聽天下務求賢以自輔故孔子惜不齊之  
所治者邑也

初十日

崔邈謂文襄宜親重邢邵邢不知顧時毀邈文襄不  
悅謂邈曰卿說子才長子才專言卿短此痴人耳  
邈曰邈說子才長子才說邈短皆是實事不爲痴  
也古凡於人已謗毀之際畧無猜忌只此一段心  
事尤明文襄親重天下後世企仰邢邵當愧汗浹  
背矣以毀而獲高以善於處毀

十一日

聖人無己甚之事狂簡章不遇治鑄之手其失則滿  
曾點能不疑所行然行不盡逮季武子死大夫弔  
點倚其門而歌與琴張孟子反一致夫子思狂思  
裁之也裁之使之志於學也點言志化而知裁矣  
問曾點在聖門何等識趣與參芸瓜誤傷其根怒而  
擊之仆地此何以異於暴橫之俗父哉孔子聞而  
責之曰小杖則受大杖則走今參委身於暴怒以  
陷父於不義安得爲孝夫點之怒勃發參不及避  
鼓瑟而歌欲父知孝子之情至矣夫子何責之深  
也曰子之責參正所以裁點也舉舜事瞽瞍索而

使之未嘗不在側索而殺之未嘗得正深於責點而妙用其化裁卽俗父之情未嘗不動而悔況點之見大意者乎

問曾子之怒子夏也曰汝何無罪吾與汝事夫子於未泗之間退而老於西河之士使西河之民疑汝於夫子以此爲罪何說也曰前人之德未彰後人之咎也師之道未尊弟子之責也苟何人斯敢擬夫子而西河之人不知夫子之德合天地明並日月者苟尊崇之意殆未至耳此不妨子夏之賢而曾子罪之依然江漢以濯秋陽以暴之意

聞孔子去陳如衛過蒲蒲人止孔子弟子有公良儒者闢其力蒲人懼要孔子盟必無適衛而出之子竟適衛子貢曰如盟何子曰要盟也神不聽此何說也曰蒲人懼而出孔子懼其入衛請兵而剪除之耳既無此意何慮神之聽不聽耶心之安則神自安豈有終守此言遂不復入衛耶

十一日

侯氏節畧 侯氏容城白溝人父名大賓年十五適新城沙口村劉應第鷄鳴佐讀應第入庠即有聲氏念數年已無所出欲爲夫置妾夫亦以年未三

十非置妾時氏勉以後嗣至重既無子息時非可  
待爲治二妾甫三年應第以疾逝氏絕粒求死思  
有老姑在堂別無可倚之人強存視息侍婦姑凡  
婦道之所當爲者無不曲盡厚恤二妾各還之母  
家侍老姑十五年餘而姑逝費百餘金葬以禮此  
時產尙豐除養贍之外割田七十餘畝房數區蔬  
菜人氏閉門自守鼎革後產被圍占無所依遂遷  
白溝寄養其弟茂才從正未幾從正亦被圍遂同  
移於衛之淇縣流離困苦無不脩養三十歲守節  
今行年六十有六猶日事紡績勤儉自甘曰游張

子度悉其盡行善爲予言曰氏之合於義者三從  
一靡他貞也代夫爲子孝也勸夫置妾賢也氏足  
賦矣按功令婦人旌節三十歲寡守節三十年例  
得旌表於例合奈流離異鄉未能保舉爲序其卷  
節錄以俟後之採風者

禮記 卷三 八乎曰敬者禮之定式而敬之分數等秘  
則無定式也晏子聘於魯堂上則趨授玉則跪子  
貢異之問孔子子曰其有方也我將問焉晏子曰  
堂上之禮君行一臣行二今君行疾敢不趨乎一



之授幣也卑敢不跪乎孔子曰善乎禮中又有禮焉賜之疑得孔子而信孔子曰禮中又有禮焉正謂禮之等級隆殺非可預設總以行吾敬而已

十四日

問臣之事君與子之事父果無異乎哉曰惡得無異臣有 於君則奉身而退子有不得於父身將安往乎此舜之如窮人無所歸也崔杼弑君晏子立崔氏之門外人曰死乎曰獨吾君乎哉吾死且曰行乎曰吾罪也乎哉吾行也蓋君人所同也父已所獨也惡得無異乎哉

十五日

予弱冠隨士大夫後伊時官府縉紳多修成儀官府  
修威儀其下畏而敬之不敢犯縉紳修威儀官府  
慕而悅之士民儆而法之不敢忽故能上下相維  
動作有文言語有章後威儀漸弛操守漸壞究至  
於不可言民無所則以在民上其何以終甚矣威  
儀之所關者大蓋君臣上下父子兄弟內外大小  
皆有威儀而威儀者固合表裏形神而一之者思

十六日

間揖讓屬旋俯仰拜跪此便是禮否曰是儀也非禮

也禮上下之紀天地之經緯也民之所以生也是以先王尚之三王莫能易後聖有作合禮何立焉

十七日

人有好潔者見人蓬首垢面衣敝履穿則惡之而已之面目塵俗心身垢汚則不知惡好潔者如是乎昔楚人曰贊衣敝緼見王王曰先生之衣何惡乎對曰衣有惡於此者其惟甲乎甲冬衣之則寒夏衣之則熱惟無衣衣之則折人止首剝人之腸墮人城郭係人子女衣故無惡於甲者臣之衣敝非惡也好潔者須潔已潔已者不可不作如是想

十八日

問孔孟論隱大旨甚明後世稱隱者專以遺棄榮貴  
甘心枯槁爲事於世何裨曰果能遺棄榮貴甘心  
枯槁纔可與言隱試思遺榮就枯之意是何心勝  
是何氣骨廉頑立懦端有甄焉我正思其人而未  
見也

十九日

物之不齊物之精也蓋萬物之生本於陰陽之氣況  
五氣交運益參差而不齊故有生之類雜揉者衆  
而精一者間修焉又何怪乎君子少而小人多乎

以其間值之難似天有意閔情而國家又失於愛  
護長養此從古所以歎才難也

二十日

程門之學以敬爲主尹彥明問敬伊川曰主一之謂  
敬邢恕問主一彥明白只收斂身心便是主一且  
如人到神廟中致敬時其心收斂更著不得毫髮  
事能如此常常收斂絕無雜念便是主一便是敬

二十一日

題夢趙太史歸養序 予於庚寅來蘇門越三年矣  
已夢臚先生以言亢請告奉母至一時官京邸子

歸養者自先生始士論榮之常先生之將母入蘇  
門山也公卿大夫爭爲詩歌以送長吟短詠卷映  
鏘然歸而得投讀欲令弁一言於首簡予以草野  
不文且衰遲病廢安可與名卿鉅公潤跡其間久  
退謝不敏先生每過夏峯輒申前旨予思蘇門一  
區昔姚許化民成俗之地先生家大梁年方壯葵  
日甫殷萱花正茂胡求退之勇如此而退乃奉母  
於蘇門之上又如此也入世出世卷舒自如知先  
生各有處此矣憶乙亥歲與鹿忠節過予文忠所  
文忠曰忠孝兩倫並列天壤事父事君果有異乎

忠節曰明於事父以事君故曰孝者所以事君也  
安得有異子曰人臣以道事君不得於君則奉身  
以退人子有不得於親如窮人無所歸身將安退  
蓋君非獨吾君也親則獨吾親也安得無異文思  
曰二子之論義殆備矣吾備具政府每念二親未  
嘗君食古人所謂不以三公易一日之養也總之  
至性感動忠能光國孝不愆家昔日鹿忠節之從  
事危難忠孝者所以事君有不退將父之誼今日  
喪殯之歸養門也則獨吾親有宜合將母之情  
忠孝不得分義各有當耳余因有所感焉背姚許

請歸蘇門未聞堂以上有母而公茂平仲年已逾  
壯矣所過之地至老僧童子皆感其德或赴召者  
二三或乞歸者四五難進易退自古皆然先生坐  
食八年終焉仕進而皆善若渴化民成俗之事以  
身先之且扶持之暇目手一編人知其詩與文其  
有聞於後世也而先生之學與人已早自歸養決  
之矣他日召先生於蘇門如姚許故事者當於諸  
公送歸之言以爲券

十三日

上蔡見伊川伊川問近學對曰天下何思何慮伊川



曰是有此理賢卻發得太早在然恰好著工夫也  
上蔡被此一句轉卻二十年後舉以告人曰當初  
若不得他一句救拔便入禪門去也伊川直是會  
煅煉人據此言則後學取共近似禪者以爲程門  
微旨失其旨矣

十四日

蘇季明與尹彥明燁皆程門高弟也當彥明業舉  
時呵謂之曰子得狀元及第也足乎抑此外復有  
學也燁不省呵明日復造問之茶次舉杯曰即此  
是學燁有悟呵令詣程門受業後呵以上章論圖

事竄饒州行過彥明頗以遷貶爲意彥明曰當季  
明上書時爲國計耶爲身計耶若爲國當欣然就  
道若爲進取計饒州之貶猶爲輕典季明渙然彥  
明始學得季明指示季明晚節得彥明開發古人  
麗澤之益如此

二十五日

魏楊乾行三絕有引予知乾行二十餘年矣甲申以  
前有志當世之務留心當世之人甲申以後志在  
立節已丑成進士入官非其願也解組後丁酉過  
夏峯拜牀下有志於學擬偕家來蘇門願實之遂

今伯子子亭攜其仲子子湛書來予慨然感而傷  
之爲拈此句 平生孤嘯亦雄哉志與時違漫自  
猜憶到盟心腸欲斷獨留白骨照青苔 廿年心  
事許誰知千里相過問字奇自謂拜牀從此始豈  
期一別是長辭 古來幾見百年人愛爾雙雛迥  
絕塵莫嘆此時歸寂寞後身應自現前身

二十七日

與李愼菴 聞楊令親槐歸故園言之淒斷潯儀聊  
將炙鷄絮酒之意知不我外也昨程公祖書幣儼  
然賁及窮廬第雖未敢登拜此誼自不能忘事出

臺指敬告左右

二十八日

綱紀二字千古治亂攸關家有室之綱紀國有國之  
綱紀無綱紀則家非其家而國非其國矣明王立  
政設師傳置官僚皆所以整理此綱紀而不使變  
亂於小人也士大夫親師取友亦只是令綱紀不  
墜正人心維風俗舍此豈有他道哉

二十九日

家報舉第二曾孫 庭開書永卧山村雲至鶴來不  
掩門七十七年何烈字書又報舉曾孫

四月

初一日

題許蘭陵三君咏後  
申生涵光殷生岳各具才情  
重名誼人知之先生固知之張生蓋雖孤癖獨行  
人亦知之先生亦知之至殷生之組者安貧守拙  
絕不求人知故人不不知也組天啓元年在忠毅  
恩選士不慕榮祿穆然自遠予過其家習其人其  
叔所亦爲予言之先生卽行矣仍不可不知其人  
也

初二日

藍田遺詩序 予居渥水六年乾行時過論文論事

論人未嘗及詩非不知詩也因詩非予之所好也

藍田解組後過蘇門見與同人倡和諸什多性情

語知於詩之道深矣然意別有在亦不欲沾沾以

詩名家今往矣藐孤爾嘉攜其遺詩二卷索弁言

予曰海內選詩之家祇論其詩之工拙爾兄弟

爾父之詩字字珠玉也善守祖者於祖父操筆

瓦不敢失墜况精神所寄白爲寫炤敢輕棄乎哉

能讀父書者方是不忍讀父書能視無形聽無聲

者方能視於形聽於聲者也以藍田遺詩名謂藍

田有動忍處其詩思始人非榮監田也

問士何以取重於人曰不苟言不苟行而已矣一言  
苟入將吐棄其言一行苟入將訾議其行爲人隱  
惡宥過此必無之事也不爲陳君所短顧無使王  
彥方知只是其生平不苟於言行耳此中若不得  
一毫威權氣焰

周指視叢集憂懼滋多欲求身過何道而可曰此心  
光明何畏指視不畏指視何生憂懼過不期寡而  
自寡矣此固一道也曾子曰十目所視十手所指  
其嚴乎臨深履薄自切戰兢之慮所謂欲寡其過

而未能也似又一道也然工夫無窮而本體常定  
非深造自得之學不知

初三日

問 麟甫祈晴古明王蒞政碩士當官有應如影響者  
此果誠意所感格却運會之適然曰 豈其在我者  
聽其在天者非可執論也果應則視爲適然之數  
不應則引爲不度之咎處事之道如斯而已反風  
滅火虎負渡河而便以異政自詡其甚矣

問 識微早見之士持議於前而後  
者持左券  
憑理乎憑數乎曰 理之所至而數亦從焉  
者也有



一積善之家於此綱紀秩然長初時雖不聞知與  
有一積不善之家於此綱紀蕩然長初時雖不聞  
知敗此謂善必先知之不善必先知之理與數一  
時俱到甯分先後哉國之廢興世之平陂莫不皆  
然

學以變化氣質爲主張明公曰氣質之性君子有邪  
性者焉其變化之謂與知廉勇藝而文之以禮樂  
乃所稱能變化

初四日

善學者於日用飲食之間須守一塗轍以自固性情

始不奔放筋骸始有矩矱窮大而失其是則以爲  
崇德之地乎蔑棄名教者全自不受其累之一念  
始

人各有一事之明只因氣躁神浮守之不定便爲幽  
說所撓異端所劫出見紛華靡麗而悅見獵有喜  
心賢者不免而况恒人此同之所以券券服膺而  
弗失之無頃刻懈其所守耳

困窮一途人望而思避然哲人偉士莫不由困而亨  
蓋不困則心不動而性不忍德慧術智亦無從生  
故孔子不困於春秋孟子不困於國圖不過爲五

日誌

卷三

三

百年之名世其道烏能常傳  
吾世與天地共無窮乎

初五日

橫渠謂范巽之曰吾輩不及古人病源何在范請問  
橫渠曰設此語者欲學者存之不忘廢游心深久  
一日自脫然如大寐得醒者耳按巽之素好書神  
怪多不在心性上操功故以此指點使從本源處  
著力本源既透則物之有無莫不心喻不待諸而  
後知矣蓋病各有源竊各有法如愛物則法古人  
之善推多言則法古人之不出我輩之不及古人

言多次因病下藥是在自審其方也已

非信不立非義之信信之賊也君子寧弗信也非恭  
不肅非禮之恭恭之餌也君子寧弗恭也因則不  
孤失親之因因之濫也君子寧弗因也所爭祇幾  
微而相判乃千里非深於學者不能析其幾微

初六日

雖治世不能無小人君子道長則難乎其小人散因  
凶不能肆毒於唐虞之世雖亂世不能無君子小  
人道長則難乎其君子故三仁無救於殷紂之亡  
伊尹不避放君之名以成千古之大忠使三年之

間委寄於匪人安能正嗣君天下事去矣安有伊尹也周公不避滅親之有以成千古之達孝使七年之間委寄於匪人又安能保冲主天下事去矣安有周公也漢唐創業昌武桓桓非留侯與張公則漢唐之祚不可知而同人之助亦豈容沒沒也

初七日

夫道若大路然天下萬世共由之治平之世只是君君臣臣父父子子兄兄弟弟夫夫婦婦而已傾危魍魎之世亦只是君不君臣不臣父不父子不子兄不兄弟不弟夫婦不成夫婦而已矣人道之完

虧爲世道之治亂從古日少而亂日多者亦曰陽  
一而陰二故也故聖人功用專在扶陽

初九日

李合生之諱王玉乘元鑣李信甫明天自成安視予  
夏暈三子皆從遊士賦此志喜不述三人至深  
予六載思孤懷各有諸矢志總無欺問學非同日  
及門俱此時幾年何可樂惜爾一聞有

初十日

題遂初齋後 玉乘負高才能文章初不欲就試人  
有怪之者子曰願王于及第後勿忘初不欲就試之

心因請齋名子頴之曰遂初遂初者遂我有生之  
利區區不試之初又何足言王子念之哉

十二日

朝成安三子曰三子往回數百里視余蘇門山中子  
觀無以益三子也然未嘗不思所以益三子也三  
子出門時特爲親師取友而來第求益於師與友  
即其友之益我幾何而求益於親之取之之心則  
斯親何窮所取何限出鄉而闔而天下而古人出  
有恒而幹人而君子而聖人夫誰得而禦之第出  
無自拔流俗之意耳果一奮起當下超脫方知吾

日有其視焉耳有其聽焉食有其味焉吟風弄月  
而歸覺歸家之我自不同於出門之我此之謂真  
我孟子所謂歸而求之有餘師也謂以此益三子  
凡事有成敗每慮有得失止計其成之得之之數一  
有敗焉失焉必以獲矣處敗在成之先處失在得  
之先則成也得也不足喜敗也失也不必憂豈不  
綽綽有餘裕哉

能處人所不能處之事能忍人所不能忍之辱能堪  
人所不能堪之憂則其中必有大過人者矣遇事  
便束手被辱即動心逢憂輒短氣者人可得而顧



倒之驅役之儒生俗士之淺淺者耳

十四日

語信甫四則 爾父遊江村之門得紹春秋之微旨

窺說約之秘旨可稱座下高弟矣然不止此也甲申後棄垂成之功名攜妻子走千里外此是以儉德避難之時問家法爾父兄處其勞爾得讀書肄業卒其邈可不思所以光大父兄之緒以成千秋之業乎父兄以慈友作室之基爾當勿忘孝恭以背堂背構是父兄之令德欲彰端有借於爲子弟者以彰之無間父母昆弟之言夫子所以取閔子

焉予且以此觀信甫故深有望於信甫 人人有  
愛人之心須先施於吾之親人人有敬人之心須  
先施於吾之長始於吾之親而終及於人之親始  
於吾之長而終及於人之長此便是天地萬物一  
體之意所貴學者時時勿喪此心勿墜此心立之  
爲大本推之爲達道仁民愛物本末秩然內聖外  
王畢具於是 眞實同學之人立心必本一誠字  
接人必本一厚字不誠不厚作偽之術刻薄之行  
鬼神且惡之而况於人乎 一生成就全藉其學  
之人與勝己者友則畏心生不期收斂自無不敗

歛與不若已者友則忽心生不期凝肆自不覺其  
縹緲矣

十五日

有若無實若虛大聖大賢之所以忘已也詭忘已乃  
能貴已無偽有虛爲盈侏儒曲士之所以矜已也  
一矜已必主於喪已

十六日

任事之難不難於才識而難於氣骨無氣骨則是非  
好惡不敢皎然明白而情願觀望左恐傷時右恐  
觸忌必求立於有譽無咎之地不知此正將之所

以損而咎之所由積也名列逆案身事賊廷者不  
錄此二語澄汰流品大裨名教而議者咎其記時  
獨忘不亦謬乎

十七日

問吉人爲善惟日不足有所爲而爲不幾於近名欲  
速乎曰此只形容吉人嗜善若渴之心即夫子所  
云見善如不及之意本無爲善之實澤黨爲善之  
跡方是有意近名若眞實爲善則易之云積善思  
善之云作善也中庸之擇善明善孟子之欲善樂  
善豈避近名而故爲遲重耶必不然矣

十八日

我聞之婦人無才卽是德近來婦人結社拜客作詩  
至男子爲其婦兄才持其詩獻諸道求爲刻傳大  
家稱述以爲韻事吁嗟此風浸淫不已豈世終無  
陽剛大人一洗此陰靡者乎

題黃梁遺蹟後  
愚按是說爲沈酣名利之人下一  
劑清涼之散雖對症非聖人垂世立教之意夫子  
於宰予責之以朽木糞牆蓋法天之健無一刻可  
自暇自逸者如是也將使天下扶危蒙僥救焚經  
濟皆以虛生一步搖之泊待誦聞亂待誦轉舉世

界而歸之杳渺之中可訓乎不可訓乎此止可爲  
達者道也

二十一日

問遽伯玉穿過未能果實見有過抑望道未見之心  
也曰莫看前人太高淵之淵負罪引照豈止自見  
爲過成湯之南巢周公之破斧甞情然自處爲無  
過乎孔子疑不賢不能改假年學易求無太過者皆  
與伯玉同一心腸彼傲然若已自視爲無過者皆  
自絕於聖人之門者也

二十二日

百門山集諸子爲國夫題石 非以奇幽主無營意  
白幽花開流水趣觸目可同收 俄夫骨已朽不  
朽者其心立石猶多事閒閒一片雲

二十三日

廣文卷題壁 自反一生無任手勿求當下可歇心  
儒禪分路全爭此漫迷人言墮霧雲

二十四日

寄耿保汝 令伯母死於道路聞者心慟友朋來奔  
喪狼狽之狀殊難相對歸觀之事義者寡財兒伯  
此札厲須少待爾

二十五日

范箕生杜君吳王尚若交見寄其書同日至蘇門

雙社同時至義渠深論交俱四世側傾二龍吟

二十六日

爲箕生作橋同三人傳入康寒二集

爲馮謫如作小傳入甲申大集錄

二十八日

賈靜子過訪夏峯

答蘇門商十二則 問陽明先生儒者請以爲終

異端之學云云曰良知是知致良知便是行此陽



明知行合一之說去致字而專言良知便與禪門相近此傳陽明者失陽明也至必謂其雜於異端朱紫陽曰異端之學只廢三綱五常是他極天罪名陽明純忠至孝正從龍山公轉圓正道惡得以異端目之與朱子分頓漸不分離合惡固當誦之矣詠絕學而爲矯派尤爲不誣問春秋時有老莊而無佛孟子已錄在其端而闢之云云曰孟子闢許行闢告子而告子其難誹許行等齊物欲人而附於吾道之中告子不得勿求與達磨外不放入內不放出之旨合居然欲駕出吾道之上在

許行等之爲害也著而淺告子之爲害也微而汰  
昌黎謂孟子之闢楊墨其功不在禹下愚謂孟子  
之闢告子其功又在闢楊墨之上也 聞春秋至  
宋一千四百年有文學而無聖學 中才智之  
士皆流入於佛王周程張朱出儒者之徒猶與佛  
桑半云云曰聖道一日不明則世道一日晦墨所  
謂天不生仲尼萬古如長夜春秋至宋一千四百  
年聖學銷於潮人蝕於二氏非有朱諸大儒出而  
表彰之其不絕之線亦庶幾矣人謂程門高弟晚  
多流入於禪而明之龍谿海門輩其流殆盡焉安

得儲者盡如程正叔其人哉 問太極圖羅近溪  
先生以爲從古有此圖周子傳之非周子畫之且  
與河圖洛書相表裏云云曰太極圖是天地自然  
之理不必問畫之何人只自周元公傳之即謂元  
公畫之亦可以也畫前有易義文周孔亦是傳其自  
然之理耳太極之說與老氏通故夫子問禮於老  
聃而曰老氏其知龍乎不知者自疑之亦無足怪  
問天地間萬事皆離獨作聖爲易曰乾則易  
知坤則簡能易簡而天下之理得矣天下之理得  
而成位乎其中矣此非易事乎云云曰請文字畫

竭一生之全力赴之猶恐不能名家而人爭趨  
易如簡能隨取人皆可能乃甘自斲其赤子  
之心而輕棄其大人之事則亦不思之甚矣若  
若不知學而赤子之心何能不失易簡之理而  
而猶無怪斯人之日淪於下而猶不自覺也亦  
哀已 問子貢不曾聞性與天道云云曰子貢不  
聞性道便不嘆性與天道不可聞顏子仰鑽瞻忽  
而極嘆其欲從末由是一樣機括不言何連曰然  
非與疑是未聞性道以前之語未可以其始而  
其卒也由也升堂矣亦非初入門時便練會之

問學問首在於求放心禪家苦心之易放拈話頭以據之云云曰心之放也只是戒懼功疎故旋提一念而忽已忘之惟戒懼到純熟處則夢寐自清憶憶往來何自而起予嘗謂對大衆易對幽獨難對妻子易對夢寐難不怕幽獨之指視不慮夢寐之錯雜者始可與言求放心 問虞城楊晉庵先生云陽明謂無善無惡心之體非言性之體也何嘗與孟子性善之說悖乎曰尊德性自離不得道問學道問學自離不得尊德性謂朱陸皆見之拘泥正以陸偏於尊德性意多朱偏於道問學意

多仁義禮智信合而成德酸辛苦甘鹹合而成味  
正容不得偏勝廣城之論何碍理學 問學者以  
格物爲第一義夫不格釋老之物謂之格物可乎  
曰二氏與吾儒同異正在格物上紫陽謂格物曰  
窮理陽明謂格物曰正物二氏云窮理者安在乎  
正物者安在乎天地萬物人倫一切皆幻乎願受  
其正正所謂自私自利者耳於世道何裨

**圖**右十二則共錄九則餘三則漫思雜錄故不錄

五月

初一日

十卷

卷三

七

問學人須過得三關方可入道一貧富關一妻子關  
一使氣關不能固窮者多因妻子念重能固窮矣  
不係情於妻子矣而英人志士又多落在使氣一  
邊終與聖賢相隔曰此不學之過知學之人必不  
肯作荆卿韓政之事而負而無怨不私驅其妻子  
卻非聖賢不能難易之間各有分數總在知學

初二日

答贈賈靜子 燕南一病叟垂老得幽尋何 朋來  
遠相看生語深惠詩贈大雅發旨見高襟時事壯  
流淪君身具古今

初三日

得張昉高尙一則入取節錄續集

羣居終日言不及義不及義則及非義於此可卜世  
道之升降人心之存亡邇來士大夫相會上者談  
詩論文談禪下者談飲食談聲色如斯而已矣忠  
孝節義事人鮮言及偶有及者言纔出口聽已先  
倦且有從旁笑之者曰夫牛姓者自逆賊陷京即  
謂某某曰某某該死該死先輩皆尊官厚祿豈肯  
以縉紳子弟而臣事亂賊聞者見者皆以爲中風  
渠以爲賊作王生不加死遂自縊愚而無知之人



乃能作此等事爲此等言此可以愧讀書而作縉紳學士者急訪其名以存野史

初四日

復張熙臣 前玉乘來即聞老親翁恭喜愉快之甚  
弟嘗奉教於君子謂天下最有名之郡縣好處便  
是難處須得眼明手快識時務之人挈綱提要於  
衆所著眼處做起今之常熟正所謂名邑處  
其見之且拭目觀大豪傑作用耳牧老  
人爲海內所推重邇來頗不理於少年之口恐  
不足爲賢者重然弟素在聲氣正欲借老親翁一

通風好耳果其人尙有可用第將商之與彼相脛  
者以報

初五日

有事苦紛擾無事苦岑寂事先苦將迎事後苦留滯  
無此四苦天君泰然

初七日

郭道亨戊子出貢不就廷試不慕榮祿予數年習其  
人非耽高尚也殆無懷氏之民與因贈以句如  
君何用入山深七十依然赤子心只不近名不慕  
仕任敦奇險惡關尋

目錄  
卷十一  
初八日

過郭熙侯慕蓮齋其尊人繼賢少予十六歲耳塾更  
勝於予非兒子輩傳語彼此俱不聞也相視而笑  
戲爲一絕 眼睛已難觀細字久禁更怕聽微言  
兩人相視真堪笑省卻無端入耳喧

十一日

高薦聲初度尊設兼山堂因爲此詩 燕南早有譽  
何事愛蘇門山水欣相託詩文足自存荒空分鶴  
觴心遠徹雲根今夕是何夕盈盈酒一樽

十二日

客謂某某器局大隘予曰彼惟隘故能守而無失可  
以寡過若希高慕大則故步全失矣人以之見短  
者予以之見長短處是其長處然予以之見長者  
人又以之見短長處又成短處矣長短無定境正  
學問無止法據一級纔覺一級之得力前面又懸  
一級由共學而至於權由審信而至於神固有盡  
境乎惟深造方可言自得耳

子夏之規模隘而不大子張廣而不實故夫子一曰  
過一曰不及藥之所以進之也聖門諸賢皆所謂  
升堂入室者然質之所進不能無偏自不能不備

聖人之陶鑄橫渠變化氣質甚有功於後學以勸  
補拙以人合天總變化氣質之事

十三日

謂駭臣諸子曰予知我輩各有若大家具乎天下之  
廣居正位大道無人不具只是曠而不居仆而不  
立舍而不行迷自執僻陋自甘顛蹶自迷荆榛耳  
其所以不居不立不行者非彼棄我而我自避之  
避之之緣亦只因骨體瞻薄氣靡原無所以勝其  
任者故不能不喪其所守且見人人喪其所守彼  
此恬然無相非笑竟成一胸冥不靈之世界豈不

可哀有能勝任之大丈夫亦非在鷗世絕俗只不  
淫於富貴不移於貧賤不相於威武便能處之安  
立之定行之適無往而非愉快夫人生非富貴則  
貧賤而威武不能不值皆極平常之境然非豪傑  
具大學力以語不淫不移不相鮮不有愧色焉一  
有愧色家其終非我有其功又釋自諱獨始

十四日

是日夏至時留新鄉不及家祭因以誌意 此日出  
來是祭期無端作客竟遲遲諸兄未審不忘否聞  
倚樓頭一寄思

十五日

邇來論易者謂文王之易已不同於伏羲之易孔子之易亦不同於文王之易愚謂易無二易也義有盡而無文文有文而括其大孔子詳矣而盡其變總之時至事起畧乎其不得不畧詳乎其不得不詳四聖人之發揮總括易中之精蘊在伏羲時無文不見少在文王周公時不見畧孔子時不見多即程之易傳朱之本義亦各言易中之一得故易非有兩易也道一而已矣人心寂然不動之利渾然一易也有感而發便生出

苟多文泉來千變萬化不可究詰而總歸於至當  
不易之理所以禮曰潔淨精微易教也如書便真  
簡有這政事謀謨詩便真簡有這人情風俗易都  
無這已往底事只是懸空做出來千古不出其範  
圍此所以靈

十六日

題友人行樂圖 樂在行而有所以蘊於行之先者  
樂在圖而有所以裕於圖之外者孔之樂在蔬水  
而非樂蔬水也顏之樂在簞瓢而非樂簞瓢也先  
生之樂在詩而非樂詩也先生之樂在觴而非樂



禪也先生之樂在大隱而非樂大隱也得此意者  
迂固樂窮亦樂也順固樂逆亦樂也喜固樂也怒  
亦樂也哀亦樂也憂亦樂也無入而不自得故  
能樂也愚以是題行樂圖不知有當於先生否也

十七日

處事接人要有一段安閒不迫急之意方能應得不  
錯卽作文寫字以至著衣吃飯行走坐臥皆容不  
得一毫迫急若一毫迫急便是欲速便是正助學  
間功夫無鉅細無顯微其正助一也

十八日

理一面已矣而氣有陰陽謂性之善者是就其理之  
一者言謂性有善不善者是就其氣之雜者言也  
然纔有此理便有此氣其域而行反之之君子身  
之之聖人調劑於陰陽偏勝之會陽不使之不足  
陰不使之有餘仍歸於理之一此所謂性無有不  
善

二十日

楷杖銘 植端木長孔林老夫徙倚之爲師爲友庶  
不至顛危於山高水深

二十五日

復張叔大 吾北地理學一脈自鹿江村先生振起  
羣蒙嗣后遂不復繼響國鎮其高第也師傳尙能  
習說君家少年而能潛心學問復取友國鎮以私  
淑其師來書已得其大端矣嘗出以示同人同人  
莫不爭欲一挈顏色爲快所云善無盡境也功力  
愈深受病愈細幾微毫髮之間過與不及之際安  
往而非非禮乎此孔顏所不敢自謬爲無非禮也  
所欲爲氣循理爲性猶欲循理非二物此皆確論  
請心證會見於傳習錄有得至謂性亦氣也尙有  
性之辨孟子謂性之善是就其理之一言言然

獲有此理便有此氣氣有陰陽人心道心於是其  
域然道心微而人心危陽常不能勝陰君子扶陽  
抑陰一生反之身之正是用復性工夫仍歸於理  
之一此所謂性無有不善故性祇可以理言離性  
是氣復性亦是氣足下慎思之

二十六日

偶題 日裏有清課操功不厭深看雲消妄想調鶴

息機心

六月

初一日

問天地何嘗不位萬物何嘗不育必待致中和後方  
說位育是作何解曰桀紂幽厲之世天地仍此天  
地也萬物仍此萬物也而暴君污吏所以戕賊民  
物者無所不至遂至帝怒於上民怨於下天地安  
得位萬物安得育總只是一箇不中和所致

問太極是理是氣是理氣兼有曰太極者極至之理  
也纔有此理便有此氣易所謂太極生兩儀兩儀  
生四象四象生八卦兩儀是陰陽之氣不止到生  
兩儀後理氣渾然離不得當生兩儀時氣已在其  
中矣告子生之謂性說從此起

初三日

問巢山樂在何處不知開石隱之嘲是此輩人否曰  
巢山是古來一種清淨淡漠之人以無事事爲樂  
卽皇王有道之世亦不可少此一段風味爲天地  
留孤冷之氣自與邪說惑世者不同巢山之後事  
無樂由不必過慮其開石隱之嘲也

初六日

雲骨子頌言別賦此留行 重跡雲山二十秋非元  
一非釋本儒流乾坤到處成知已臨路依依去復留

初七日

吳因之王辰知及之聖族猶炎海內無異詞雲骨子  
忽謂予曰此執殊不通予評之雲骨子曰此非  
之言因之先生之言也三段皆責脩之辭重仁守  
文雖售卻失本題口氣予思之謂諸子曰此言其  
有在哉我輩看書須要有此眼力

初八日

先考忌辰 亡親不諱日人子敢甯居跪進一杯酒  
啣觴菽水餘

初九日

與雲骨子題扇 從來論道者曰堯舜之道曰文武

之道曰周孔之道道似各不同矣總之一歸於三綱五常而已世而治綱常在朝廷世而亂綱常留巖谷非巖谷能留之也仍是堯舜文武周孔之道之所留也亦非堯舜文武周孔之道能留之也仍是維皇上帝於穆不已之所留也知此道者沉其機靜其氣嘿以俟貞元之自會剝復之自通天運循環歷稽往代昭如指掌又何獨疑於今之世哉幽憤悲鬱前見於遼國諸賢其一時不留姓字於天壤間者皆所謂至心人也不悔無悶以留堯舜文武周孔之道以承天心時有望於巖谷之士



初十日

雲骨爲予書山代西伯伯三額草堂復爲說以廣其  
義予爲詩以報之 南海有碩人北山一遺老遙  
近在蘇門相遇苦不蚤山以代西伯令我傷懷迨  
濡髮走龍蛇四壁光皓皓君雖萬里行對此解滌  
倒

十一日

客曰論語一貫有二曰予一以貫之此從知入也曰  
吾道一以貫之此從行入也一貫同而知行則不  
同耳予曰賜多識故從知入參曰省故從行入然

到得能貫時則渾無知行之可言矣

客曰一貫二字義各有分一如申貫如說學陸者一而不貫與朱者貫而不一此朱陸差別處子曰朱有朱之一未有朱之貫陸有陸之一陸有陸之貫較孔子之一貫雖有差別謂陸一而不貫謂朱貫而不一則又失朱陸矣

十六日

問臣子不宜見君父有不是處而湯何以放桀武何以伐紂從古直言忠諫之士不肯爲君諂過者又何以說焉曰此語要看得活桀紂未放伐之前湯

武亦未嘗遽求之君也伊尹之五就桀文王之三分有二以服事殷其心即湯武之心耳從古直諫不肯諱言君過亦是忠愛之心所激發全要見一段篤摯不得已不容已之深情處直臣許子總之欲成君父之是非以彰君父之不是

十八日

客有咎人之多疑多悔者余曰彼幸有此疑與悔耳今之人直行其所信者誰共人哉疑則明生焉或不至於冥行固覺也今之人有動則如己意如人意者與有此悔處不至謬於前者復迷於後悔也

之蒙改過之漸也。疾與悔正是學問入手處。

十九日

語李友郭友杜兄弟。爾簡寺之家宜昌。厥後詩書  
所載俱有明徵。第在爾兄弟憤發鼓舞。掃除少  
習。心跡破世俗習。見虛心聽受長者之言。即此便  
是克念作聖功夫。如爾兄弟。雖未深得尺璧寸  
玉。寸則寸。日有知。而日無止。此學士無入受享  
尤大前人基業。登第端芳。猶其淺焉。在耳。兄命  
師友以既翁而得母心之願。此老夫所望於爾之  
兄弟也。置之座右。以助策勵。

二十日

中見盟有詩見懷偶成卻寄 幾夜懷人夢十年去  
國情有山容獨在得子約同耕薄俗看家學長貧  
對友生書來當晚讀村月雨餘明

三十一日

復見盟 憶前付洞觀一函囑之過訪不知其未至  
也蘭陵來以所刻三君詩見示頗得意僕惜其遺  
伯芽耳惠詩三章讀之增愧偶成一律用寄鄙懷  
子遠二君詩各數首附寄冀辭于適夏季相念之  
世所寄甯川民經大手選定自與諸家不同兄苦

丈之嘉惠於後生無窮也伯嚴歸頌爲聲意揚猶  
老久無音耗近况便中相示

二十二日

簪贈 簪之爲物甚微以鷄翎爲之既不費材又不  
費工然其爲用卻大架上書几上硯壁間字畫一  
舉手而塵可頓清矣而功不止此也精而入之廣  
而敷之古來高潔士清一身之塵經濟手清一世  
之塵聖賢心清千百世之塵義亦如此難者自得  
之

二十四日

謝楊君錢惠氏硯 余邑先正靜修先生題銅瓦硯  
有云卻愛阿瞞臺上瓦至今猶書建安年昔過鄧  
下求銅雀之臺故址已不可得其瓦流傳人間者  
漫滅不復辨真贋僕不知何者是真而正不必求  
其真也承惠硯客謂是臺上舊瓦經堂請供而令  
僕尋畫寶得無亦夢建安年乎僕當銘其背以志  
所自

二十五日

與范真生 親翁壯遊令我短第欲無構斯予來共  
不挂之志與馬王老故人之情皆有古人風之老

想當與親翁晤高朋韻味鼓磨一方自非小雅  
已遣兒赴玉老之約囑之與構斯同行不知何  
人相會何所千里外不能代爲裁定也歸途復與  
蘇門相近百泉山水正待大賢際歌不獨備僕甘  
餘年渴懷耳

二十六日

問孔子正樂弗及風而修經弗及樂者何也曰風作  
於列國非名分之所寄焉弗及樂者禮明其義詩  
定其歌而樂無餘蘊矣若雅頌奏之不得其所則  
禮非其禮而樂云乎哉不獨此也不明於春秋之



義而雅頌不能不滑韻詩三百授之以政而達則  
詩思而通於書矣易之千變萬化而不失其衷  
詩思無邪之旨也六經之義融而會之自非  
守殘者可辦

二十七日

問從古稱衛多君子又云國風爲男女情思之詞鄭  
衛爲亂世之音豈人也而無關於風耶曰考之傳  
序國風本無淫詩若共姜之守義莊姜戴婚宋桓  
姬之賢淑知禮不可殫述他如綠衣終風之諷泉  
水竹竿之賦辭旨淒清發乎情止乎禮義未可以

宣淫之說也至於宣公昭伯之宣淫爲國人所疾  
新臺築奔之刺不比於人則衛多君子禮義之風  
尤可見矣孔子之放鄭聲謂其聲淫非謂詩也細  
衣之詩何嘗不見稱如一傳奇耳演之者有美有  
惡在其聲之清濁高下豈以其詞論哉說詩者以  
辭害意多類此

二十八日

復督水 只因一暑百病叢生遂不能克圖晤教小  
兒入塲病痢僅能完篇今體中尙弱小孫學亦淺  
制勝無具赴沐尙任兩可間先生冷香也且東裝

在曉乃他無所營而注念兩孺子此誼自是古人  
第惟有銘之肺腑耳聞已有新使君矣我輩相會  
爲日無多切念切念

二十九日

諸生科考不錄者有依悒悒之色有依于于之色予  
曰悒悒者有側勝之具者是宜于于則道心生于  
于者無側勝之具者是宜悒悒則奮心生各人學  
問各求長進未可同日論也

一友投一宦人甚不得意歸而悒悒予曰窘子於月  
前者戒子於異日者也當爲子稱慶設此番能歷

所欲則欲念一熾何有窮時壞子生平皆由於此  
常見介節士而末路喪節者皆小小得意失之也  
邇有說四書者於紫陽集註字字遵守竄敢於悖孔  
而不敢於悖朱二三子有怪之者予曰彼能言朱  
之言行朱之行是即朱之孝子順孫耳又何求焉  
又有人說詩者力詆紫陽註毛詩之謬而詩教不  
明於天下後世二三子又怪之予曰彼徒摘紫陽  
之瑕匡紫陽之失是亦紫陽之忠臣靜友耳又何  
罪焉紫陽生平力學苦志無非欲發明孔子之經  
豈以其一人之意見求勝於後人後之學者固守

尼山正不必於諸儒分左右袒耳

三十日

問聖人之道曰三綱五常而已問帝王之道曰三綱  
五常而已問天地之道曰三綱五常而已這原於  
天而允迪於帝王修明於聖人六經言一與書三  
綱五常之事離此則旁門別派其不流於異類者  
幾希

問乾易知坤簡能曰夫婦可與知大婦可與能問四  
時行百物生曰無物不有無時不然

問體用一源曰殊途而同歸一致而百慮問類欲無

問曰語大天下莫能載語小天下莫能破

語錄存卷之二十一終